

czwischen yn vor gerichte vorlauffen hatten, bliben bi czwein reten und voite und schepphen und haben si der sachen alzo geschiden durch vor mydunge czweitragt, di czwischen yn lange czit gewert hatte und noch under yn entstanden were. Czum ersten, alze Burgkart Kaldenkôche sprach Johanni Horleman in di gewere sines huzes und hofes, habe wir si alzo umme geschiden an sune und fruntschaft glich dem rechten, alz wir daz von yn uffgenommen haben, und haben erkant, daz Burgkart Kaldenkoche Horleman in sin huz und hoff, daz yn von Peter Mergental, sinem bruder, Got seligen, von wechzelunge wegen an komen waz, nymmer gereden noch gesprechen er, noch sine erben sullen. Czum andern male, alz yn Burgkard Kald(enkuchen) ansprach umme varnde habe, alze wayne, stro, myst, thrun, venster ^(b)getreyde odir gelt, daz von dem getreyde komen ist, ^(b) und wi di namen gehalten mag, dy under Peter Mergental seligen ersterben waz, da si beide vorgerichte umme geclait hatten mitenander, alz daz voit unde schepphen bekant haben, habe wir sy alzo umme geschiden, daz Horleman alle di ^(c) varnde habe behalden sal czu eygen, daryn ym Burgkart Kald(enkuchen) auch nymmer gereden nach gesprochen sal, daz vmme sal ym Johannes Horleman geben und yn vir wochen, dy nehest nach einander volgen, bezalen 20 rynysche goldin unvorczogelich und sullen der czweyer sache alzo geschiden und gute frunt syen ane arg. Hette ir einer icht darunder verczert adir umme orteil uszgeben, der sal den schaden selbir dulden und tragen. Hette ubir di geschiden sachen ir ein czu dem andern icht zcu sprechen adir czu sachen, alz oben geschr(ieben) stet, der mag daz mit rechte an dem andirn wol vordern des. Actum anno quo supra feria quinta post Invocavit. Ffideiussores Horleman hat gesaczt Mattis Muerbyr et Johanni Prossen. Burkard Kaldenkôch hat gesaczt Jostin Orlin und Brunnern. Welcher der richtung nicht hilde, des burgen sal der rath uff ein thorhuz von der stat wegen lazen geen und do von nicht czu komen, sy haben denne der stat holde entphangen.

a) alles durchgestrichen b-b) am rechten Rand, Einfügestelle gekennzeichnet c) folgt durchgestrichen varnde

235.

1411 Mai 2 (1370 November 15)

Propst, Priorin und ganze Gemeinschaft des Klosters Eisenberg verleihen einen Acker (Abschrift mit Erklärung des Rates).

fol. 34v Wir Hartmut Rische, czu der czit Probist zcu Ysenberg, und wir Agnes von Kotwicz, priorin, und auch dy gancze sampnunge gemeynlichen der heiligen junckvrauwen des heiligen cruczes des clostirs czu Isenberg bekennen und thun chund offenlich mit deszin brive allen den, dy yn sehen und horen lezen, daz wir mit rate unsers gotishuzes frunden und auch selbir mit wolbedachtem mute und guter vorsichtikeit recht und redelich lihen und gelihen haben dem wisen bescheiden manne Peter Francken, burger zcu